

# pokušaj demontiranja

anđelko vuletić

Naš grad je stajao  
Iznad svih drugih gradova  
Ne samo zato što smo ga toliko voljeli  
Nego što je imao čuvenu prošlost slavnu sadašnjost  
I veliku budućnost

Rijeka na kojoj je sagrađen puna zlatonosnog pljeska  
Ullice pune mladosti  
Krovovi ptičjeg pjeva  
Poljane radosti i veselja  
O zidine i drveće udarali su grohoti i grozdovi smijeha

Sve puno i prepuno

Samo eto  
Tek toliko da sreća ne bude baš potpuna  
(Valjda zato da bi postojalo i ono neophodno zrnice nezadovoljstva  
Koje će nas poticati i tjerati naprijed)  
Imali smo  
Hoću reći naš grad je imao ako tako smijem reći  
I dvije velike praznine  
Jednu praznu bačvu i jednu praznu glavu

Bačva baš i nije bila bačva  
Nego nešto kao napušteni bunker  
Kao neeksplozivna bomba A glavu je zaista nosio  
Čovjek i bila je i njemu i nama  
Glavna

Iz bačve su noću araukali i vjetrovi i vukodlaci  
Vampiri i vješalice a ponekad i pravi strah  
Da joj ne dođe ona luda  
Da joj se ne upale lampice i da se baci na svoj posao  
Zbog koga je tu i pala

A iz glave su se unatoč što je bila stvarno  
Prazna  
Izlijevale sve glupe i glupe priče i plavile grad

E pa da ne dužim  
Kad je prevršilo svaku mjeru i kad je život u gradu  
Postao mora  
Odlučili smo demontirati bombu odnosno bačvu  
I demontirati glavu iz koje priče raznose prazninu

Naoružani detektorima i zaštitnim odjelima  
Lako smo osvojili to jest  
Razložili bačvu na komade  
A zatim u prašinu

Ali kad smo poslije dugih priprema i oklijevanja  
Polako prišli  
Jedva dotakli  
Oprezno osmotrili  
I tiho kucnuli u onu glavu  
Propali smo

I u prvom i u drugom  
Pa i u trećem pokušaju

I pobjegli glavom bez obzira

ENCYCLOPOEDIA BALKANICA

(Jer su bili pravi)

Eto  
Na pravdi boga kako bi rekla moja baba  
(A ne znam ni ja ništa pametnije)  
Izgiboše mladi biciklisti  
Na cesti Sarajevo — Zenica.

Dok ovo pišem oni se bore na odru kao i svaki  
Sportisti u finišu.

Hrući se sa smrću daju posljednje atome snage i posljednje otku-  
caje  
Kao i svaki čovjek pred ciljem

A gotovo da nema nikakve nade  
Da će to strašilo  
Da će tu smrt nadjačati  
Da će ništavilo u točkove sabiti.

A krenuli su mladi biciklisti u svečanu trku  
U juriš  
Protiv kiše blata i oblaka  
Protiv vjetra i bosanske memle i kreketu žaba  
Protiv toka rijeke pa naravno i protiv sudbine.

Vozeći kako mu se vozi u glavi  
Bicikliste je pokosio jedan bosanski divljak sa  
moskvićem.  
(Nemojte se zjurado smijati  
Možda ste i vi  
Jednom polovicom mozga iz bosne)

A sad da se upitam  
Ko je upravljao vozačem da upravi  
Željezo na žestoke na prve na jutarnje trkače  
Kakva korist

To nek se pita kibernetika ili encyclopedia balcanica

Ja vozim dalje.  
Tačno onom stazom i tačno u onakvo jutro.  
I tačno u onaj čas.  
I tačno onom licom gdje su smoždeni  
Mladi biciklisti.

Ali neda mi bože da stignem prvi  
Ni u podnevni ni u ponoćni sat.

Prve nikad ne dočekuje ni pozdrav ni cvijeće  
(To je čista laž)

Dočekuje ih strmoglav.

## IZLAZAK

Došli su sa svih strana  
Iz svih krajeva  
U svojoj nošnji pod svojim šeširom sa svojom  
Mukom sa svojim glasom

Pravo šarenilo kao na proljetnoj livadi  
Koliko glave toliko oblika  
Koliko odjela toliko boja

Došli su da se vide Da ih vide  
Ali da i sami progledaju  
Da vide

Sabrali su Zatvorili se i oknima i vratima  
I vlastitim ogrtačima i govorili slobodno  
I otvoreno

Ušli su korak po korak  
Jedan po jedan Ušli su na stotine  
Ušli su i slovom i brojem Ali  
I imenom

Kad je bilo gotovo  
Izšli su kao jedan  
Bez boje bez okusa  
Bez glave bez brige

Izšli su bez ikakve muke

Kao voda kad teče kako teče  
U jednom pravcu (Neće valjda u stotinu)  
I sve brže prema ušću  
Prema kraju